

卷六



書名 宗子相集十四卷 嘉靖三十九年序刊本
 撰者 明 宗臣 撰
 卷 卷六
 內容分類 集-別集-明中葉
 索書號 集部-別集-7-104
 編號 D7451100

彩色首頁1

[東洋文化研究所漢籍目錄 編號: D7451100](#)

[東洋文化研究所漢籍目錄所藏漢籍善本全文影像資料庫 索書號: 集部-別集-7-104](#)

[漢籍善本全文影像資料庫文本宗子相集十四卷 嘉靖三十九年序刊本](#)

版權所有: [東京大學](#) [東洋文化研究所](#)

[使用上的注意事項](#)

宗子相集賦卷之一

門人

趙秉忠
王同讚
陳學麟

鄭應齡
蕭時中
黃其暉

謝璿
魏廷言
王葵
同校刊

釣臺賦 有序

予聞嚴子釣臺舊矣丁巳秋予以叅

藩赴閩取道兩越始登厥臺徘徊焉

商飈西來萬山颯搖我心傷悲爰申


厥詞把酒放歌白雲莽互豈君之聞

歌而來哉

所究研京東院學化文方東

No. 1708

東
方
文
化
學
院
研
究
所
圖
書









宗子相集五言律詩卷之六

門人

趙秉忠
一同讚
陳學麟

鄭應德
蕭時中
黃其暉

魏廷言
同校刊
王葵

寄懷鄉園游好五首

浮雲日萬里空復滯燕臺朋好寧相負音
書目不來吾慚歌鳳侶君等卧龍不悵望
青山裏薔薇幾度開

最竟論心者乾坤一草廬開尊銷夜

春風正作寒馬思誰共起居

來鴈心源故六書

那堪千日別直使寸心遠望極頻茲

深台布衣偶看長路草髣髴故山客心
將江水春來滿釣磯

即有鴻書去其如鳥道長春來楊柳徑日
憶芰荷裳鷗鷺應無色田園豈盡荒難將
尊酒意一聽楚歌狂

貧賤有情在風塵一病深向人歌白雪畏
路失黃金爾輩甘一甌吾生肯陸沉故園

松菊在早晚問投簪

送蘇生南歸

短鬢不堪數孤舟何太頻客塗空歲月江
國有絲綸劍在猶干楚書成更上秦敕表
曾季子莫問下機人

四月一日于鱗子與元美約南溪之

游偶以事羈悵然有感

殘春已昨夜初夏自流年朝謁誰能倦松
蘿爾輩偏孤舟凌細雨積水下寒煙遠憶

臨溪者何人不可憐

解佩豈朝客持竿遂釣徒年華過燕雀春
色尚蘼蕪赤水心頻切紅塵爾自拘茲
且不得何更問江湖

不分林塘好偏令爾輩遊花枝晴自動草
色暮堪愁俯仰聊停騎行藏且狎鷗茫然
心共折何處是滄洲

病中荅吳明卿見贈

一病秋能抱孤吟夜可變採芝吾未得視

草爾其難瑤瑟人聞思金莖露下者廣陵
濤足賦江色不勝寒

其二

伏枕花頻改登樓月乍圓宦情踈病後世
事得愁先才已金門隱名非白雪傳新詩
酬襖鑿三嘆暮雲前

有寄

憶爾辭燕甸逢人賦楚騷芙蓉千水暮薜
荔萬峰高秋月鷺紋扇寒雲落布袍愁心

不可問孤鴈滯江臯

贈別吳子

問尔何年至還能幾日留
尊開朱鴈夕心折紫萸
秋歲月餘孤鬢關山任
救棗漁竿如可飭遲我狎
江鷗

同于鱗子與元美郊行二首

誰識冠纓者常接水石間
春風吹大道紫氣照西山
松徑荒難度楊枝亂可攀
相逢勿遽返世路正摧顏

去去春蘿好行行朝雨寒
路迷頻勒馬塵起一彈冠
宛轉溪園出依稀江路看
所嗟情不愜無處問漁竿

送張明府謫教湖州

自古悲行路于今更畏途
才名收倚馬宦計失飛鳧
白日晴開越青山亂入吳
傳經稍欲慰咫尺對西湖

與錢惟重步月下

秋風何處起茲夕倍堪嗟
不見碧雲色難

五言律詩
禁孤月華客愁驚蟋蟀鄉思忽蕪葭誰謂
天河遠翩翩漢使槎

歲暮

霜雪不堪暮陰陽莽自過淚偏兒女盡情
為歲華多留滯非吾意淒涼柰爾何寸心
無可折落日滿庭柯

送王判

可嘆日為別兼之歲欲殘青袍今作吏白
髮已盈冠鴻鴈千門夕梅花一騎寒風塵

好自愛行路古來難

除夕答謝茂秦徐子與見贈

今夜為誰永清尊只自持歲華明日異旅
思故人知坐待青春色行傳白雪詞梅花
空復好愁絕楚江枝

送張簿之上饒

送君燕市北作客楚江西日月千山濶星
辰一劍低馬蹄仍遠道鳳翼且卑栖芳草
天涯綠相思祗杖藜

寄遠曲

秦塞一投筆章臺日倚欄
鴈書何寂寞龍劍有艱難
烽燧春華暮琵琶曉淚寒
自知容色落不忍對花看

青海人頻去黃河信轉稀
徘徊空夜月顚顚任春水
漢將頻營壘胡兵未解圍
近來常涕淚不獨為君揮

問元美病二首

倦遊吾未敢抱病爾何心
萬里靡蕪色秋

風一夜深長嘯豈不得悲歌
直至今茂陵消渴日還聽
白頭吟

爾已青雲薄誰其白眼偏
一身詩作僻萬事酒相捐
枕簟踈秋雨江山隔暮煙
登樓知有賦莫向眾人傳

寄陸子

何時重把袂茲意有沾巾
春去悲遊子書來見故人
風塵虛倚劍日月負垂綸
一別清江上年華幾白蘋

同李司封蘇文選遊聖禪寺一首
有寺焚香在何人結駟來靈花如雨落貝
葉不春開聽法龍依水窺禪鳥下臺塵心
忽到此那得遽如灰

送周先生之海寧

彩筆時難見青氈爾自尊一官聊日月雙
鬢自乾坤雪後西山賦風前北海樽因君
寄鄉思好去過江門

荅袁三子敬一

別思將春起鄉心與日摧已經三載別猶
有一書來我愧思鱸者君誠倚馬才黃金
似芳草又滿郭生臺

遠思

歸期不可問客思坐紛紜白髮兩鄉隔青
猿何處聞日摧蜀道險雲逐楚江分尺素
看鴻鴈高秋或一群

同李于鱗徐子與梁公實夜過王元

美

一尊那忍負。永夜坐堪酬。鳳豈吹簫落人。
疑鼓瑟遊江湖。青桂暮關。塞白榆。秋明月。
無南北。冷然萬里愁。

夜嘆

纖月稍稍起。寒霾細細分。窮途惟白雪。畏
路是青雲。豈作鵝鴻侶。難期鹿豕羣。平生
霄漢思。汨沒向時氛。

三月

三月忽云暮。一年空見春。不堪垂柳色。似

與客愁新。慘淡時名棄。迂踈長吏嗔。清江
有鷗鳥。恠爾未歸人。

天寧寺同于鱗子與元美餞別公實
各賦二首

孤臣辭上國。匹馬自祗園。樹影僧窺日。鐘
聲客到門。江湖難寓目。天地易銷魂。行念
中心約。相思且勿論。

分襟即此地。握手更何年。詞賦吾甘後。煙
霞爾最先。世情頻按劍。生事欲逃禪。今夜

南樓月婁涼空自圓

送人

歲暮豈不苦離愁那可銷
僅辭燕市酒已犯浙江潮
明月帝鄉滿梅花客路遙
豈能因五斗楚澤負漁樵

于鱗子與元美夜過時元美將有江
南之役矣

今夕復何夕相看又此亭
金樽墮明月銀漢倒繁星
吾已甘多病君今幸不醒
胡笳

中夜起凄惻若為聽

亭花新乍落砌竹遠生陰
砧杵秋城急煙霞故國深
不堪惆悵色兼入別離心
去住傷萍梗茲期未易尋

皇甫別駕初至夜集得歸字

君自何方至憐才意久違
朔雲停暮展漢月照春衣
江左時名重人間雪調稀
燈前出瑤草坐客不能歸

寄黃山人

已厭時人目翻生古道悲洲中鸚鵡賦臺
上鳳凰詩風雨客多病江湖髮有絲長途
且萬里無夢寄相思

追送謝山人不及

白髮久為客青春忽與歸馬衝燕雪盡心
逐塞雲飛天地飄蓬甚河橋折柳遠離情
堪涕淚此際倍沾衣

月夜聞笛

暮雨浮天去寒雲歸峽遲青山饒遠色紫

菊把新枝何處風前笛頻停月下危關河
已搖落故向客愁吹

懷顧二丈

客久春如失愁深夜不開眼看鴻鴈去書
對白雲裁叢桂迷淮甸長楊識漢才江東
秋色好消息幾時來

寄書

別已三年久情堪萬里餘常勞燕塞鴈不
到蜀江魚浩蕩心中事遲迴紙上書白頭

還好在一泪滿朝裾

寄元美二首

念爾行搖落何心堪寂寥
凌風雙鬢短畏路一身遙
薜荔亂江雨魚龍犯夜潮
廣陵明月好曾聽玉人簫

客久非吾意愁來獨爾思
寸心今已折尺素忍教遲
風雨相如病江山宋玉悲
淮南行落日惆悵挂枝詞

夜集懷茂秦二首

得爾漳南信愁予冀北天
蹉跎春事晚慢世情捐
日落黃河遠秋驚白髮先
狂歌對明月莫受衆人憐

聽雨詩仍在開尊事已遙
以予愁劍佩嘆爾得漁樵
茲意浮生失何時客淚消
淮南行結隱不待楚詞招

寄黃先生二首

憶與先生別乾坤各泛萍
可憐雙鬢綠僅對一瓊青
雲落仙人洞天寒吏隱
亭相思

若江水日夜向南溟

塵路一知己浮名遂此生嶺南天共遠冀
北目為情首宿春堪長芙蓉夜與清尺書
那不寄白鴈滿江城

對雪有懷于鱗子與明卿元美四子
暮雪一何急玄雲莽欲垂誰為黃竹詠千
載有餘悲鴻鴈稍疑羽關河驟失岐薊梅
寒入酒曾共故人持

再得元美書

楚日吾家到吳門使者來書纔片紙讀淚
已萬行摧佩有蘭堪贈衣知薜共裁梅花
江路滿一酌向誰開

贈黃山人

羨爾逃名者蕭然外遠臯絲綸江艇闕蘿
薜石門高白已殘雙髮青猶戀一袍不堪
搖落後重讀楚人騷

出郊過陸子和草堂同太史李公之

學顧丈

進艇吾能遠携尊客許同青天開萬象白
浪失千鴻莫羨細堪數靡蕪寒幾叢漁歌
稍稍起知在石湖東

並入無新好相逢况故園看山頻紫翠在
野易黃昏柳折風前笛蘭開月下樽起來
望北斗歷歷見天門

孤燈深入坐稚子遠相看月動前江白星
垂大澤寒魚枯終有缺鵲敞不辭冠嗟爾
屠龍者清時只釣竿

清夜豈堪別長愁欲盡消梅花春未折叢
桂賦還招白鷺暗驚棹青藜危度橋月華
散蘆荻寒思莽蕭蕭

過時寺訪袁三子敬

向客春鷓起逢僧夜磬前慈雲垂大地慧
日暗諸天酒至堪浮白吾來獨問玄孤亭
入微雨似欲長青蓮

答周明府

相望一江暮難期對月明青山移病遠白

鴈繫書輕天地看喬鳥兵戈阻漢纓秋風
散麋鹿憶爾闔閭城

春夕同舒子房子子培訪陸長庚別
業

暝色戎戎亂春陰慘慘生孤村流水夜一
酌故人情雪積天愈白江寒月較明綸竿
吾欲把頗恠楚漁鷺

元美有江上之約未得遽赴悵然有
思

亦自悲春暮居然負所期金山一柱立滄
海萬波隨征鴈群群急浮雲日日吹淹留
吾有符吾愛桂花枝
去路惟楊柳吾衣况薜蘿如何明月夜不
作片帆過紫氣星辰動青天吳楚多尊鱸
秋正好知爾醉漁叢

小園花開悠然獨酌

避世誠何意為園信有才陰晴三月暮遠
近百花开春訝林塘遍時愁風雨來酒杯

吾共女日日好登臺

有客

豈亦沉淪者頻來問釣磯
青天雙鳥去白髮一漁歸
忽雨新楓橘如雲長蘼薇
山花似留客隨處傍人衣

白馬湖泛舟

究竟春潮入紛紛上客從湖今蕩白馬棹
恐得遊龍折柳晴相媚携尊日可重君者
十水外已自長芙蓉

何限人同在心知我獨來孤峯雲不薄萬
象日頻開稼穡山中計鷓鴣水上杯桃花
忽如雨髣髴到天台

青蘿堪作服白鹿遂為群江樹低從密溪
瀛曲更分停盃生桂月掃石起松雲徒倚
悲歌去翩翩向紫氛

吳中兵亂海上徵援感事賦懷因寄
元美

世變忽如此天心那可知蛟螭江欲裂戎

馬地堪支當日銷金甲斯人遂赤眉群奴
把蘆管應向闔閭吹

獨吟心欲折南望首頻搔鼓角鯨如立樓
船蜃自高青天失戰馬落日慘征袍稍幸
王開府臨戎有佩刀

傳檄紛天地徵兵到薜蘿愁來失俯仰書
去畏江河痛哭千村暮橫行萬騎多滄洲
狂客在應悔罷鳴珂

不盡黃塵起重驚赤羽馳無書問消息有
淚到滄海家國愁兼入行歲事可疑浮生
同遠近斟酌向鷓鴣

雨夜沈二丈至

榻有何人下君能此夜過寒蟬吳客賦衰
鳳楚狂歌雨氣千江入秋聲萬木多明朝
寒浦望搖落有漁簑

樹色迷寒渚江流沒石梁驚風孤鴈下聽
雨一燈長蟋蟀夜堪賦薜蘿秋可裳相看
愛容髮時序有新霜

不盡

不盡梅花路其如桂樹叢天高片雲紫木
落萬山空砧杵自秋簞關河有塞鴻何人
抱瑤瑟今夜月明中

中秋有懷茂秦

日落寒江上尊開北斗前高秋中夜滅孤
月兩鄉圓人隔黃河遠書無白鴈傳謝莊
應有賦何得問嬋娟

進艇

白苧聞歌好滄波進艇遲暮雲殘薜荔秋
水失鷗鷄日落中原紫天高北斗垂梅花
已零亂玉笛莫頻吹

夜

明月有如此况從湖上看鷺蘆秋鴈起把
酒暮鐘殘楊柳垂垂暗龍蛇去去寒夜來
新水闊吾欲飭漁竿

人日寄吳明卿舍人

尺素不相寄孤鴻那可聽瀟湘秋水曲何

處白雲停滄海又入日金門自歲星鳳凰
池上草應只為君青

陸長庚夜至

戎馬暗江國君從何處來門驚芳草遍尊
對早梅開雨雪春衣短魚龍夜笛哀中宵
撫長劍惜爾陸雲才

別袁使君

久應郎官宿猶乘使容槎宦情推郡縣畏
路莽龍蛇海外珠含日天南梅正花壯遊

千萬里且莫問煙霞

繫鷁殊方路聽猿故國情關河同汨遠楊
柳共愁生攬轡江雲暮停車嶺月明泠泠
鴈湖水人比使君清

席上贈東麓山人

茫茫飄素髮曲曲到寒扉亂石蘼蕪徑殘
春薜荔衣一尊青鳥去雙袖白雲歸九十
猶能賦如君世更稀

送馮尉

一尉爾何有孤檣路最便關山寒食後風
雨暮笳前入夜江看月行春路拂煙青蓮
幕下客來徃日翩翩

即事六首

詎知烽火色亦到海門東九市旌旄立千
家杼軸空漁樵新授甲都護驟從戎寂寞
江天上鷺看一劍雄

白日頻搔首青山一杖藜星辰千騎入風
雨萬家迷有路難舟楫中天急鼓鼙愁心

與芳草江上共萋萋

赤羽遙傳越黃霾近接吳夷歌分鼓吹野
哭散靡蕪日落江流急天高海氣孤中原
有廉頗爾輩敢長驅

虜騎縱橫甚將軍轉鬪頻兩間迷白晝萬
象失黃塵江海遂流血弓裘豈著身招魂
誰與賦洒淚寄青蘋時王洪二將軍戰死

華夏翻連寇江淮遂苦兵鯨鯢揚子渡日
月棘門營俠氣荆卿劍雄心漢吏纓爾曹

何足慮流涕此蒼生

坐嘆兵機失兼憂國計存干戈在淮海消
息已乾坤授鉞曾諸將宵衣獨
至尊定知哀痛詔早晚下江門

寄子與明卿元美三子

同心久相失羈思近何如星出窺龍劍天
長阻鴈書滿江紛甲鼓落日泣樵漁去住
情無苦奚方定卜居

豈乏青雲侶其如白雪盟一分燕楚闊三
見柳梅生眼底簪袍計身前詞賦名放歌
當落日的的爲誰明

寄真州張子

世路驚投壁君才類握珠談經深歲月垂
釣任江湖落日千峰紫長天一劍孤凌風
有羽翼與爾立相須

一望隋堤草孤吟楚岸花賦成似班馬身
在只煙霞夜月懷湘瑟秋風進漢槎
垂氣色吾欲問張華

元美訪我百花洲上夜集四首

君來何節鉞秋到正江湖
斗室群星聚天門二曜孤
古人窮抱玉吾道忌投珠
歲晚魚龍寂臨流未可呼

然日不得醉托看獨柰何
狂心知爾甚青眼向人多
席已移星月衣猶掛薜蘿
興來歌楚調雪色滿江河

坐對百花落孤登萬里樓
醉開吳楚色狂失鳳鱗愁
握手青燈少論心白日浮
相思

曾往昔泪逐大江流

雙眼人何白孤懷爾獨長
相看鴻鵠志不厭芰荷裳
黃菊紛垂露丹楓莽下霜
湖南泛明月髣髴對瀟湘

送徐山人還吳

問君何處去一騎大湖邊
久客青春暮多愁白髮先
征衣裁薜荔長劍倚風煙
江上波濤急新詩莫浪傳

去住悲生事乾坤總畏途
梅開春到楚柳

折曉歸吳倚棹江雲亂傳書海月孤
知君饒雅思早晚著潛夫

秋夜願二丈來集二首

少別已殘暑相看失舊容
秋衣下風露夕草亂芙蓉
世故尊前盡鄉愁雨後重
徘徊望北斗明月照千峯

一徑陰陰入孤煙去去斜
江亭頻載酒巖桂正逢花
吹笛驚黃鳥持竿散赤霞
看君靈氣甚早晚問仙槎

得徐子與書

不分黃塵色稍驚白馬音
傳書燕塞遠落日楚江深
戎馬乾坤涓豺狼道路心
聞君持漢節松下擬抽簪

簡陸子和二首

歲月仍吾病風塵柰爾何
青天應自問白雪向誰歌
夜立殘砧杵園行久薜蘿
相逢恨咫尺况乃隔江河

握手朱明過驚心白露溥
江平低鴈翼潮

落進漁竿野色蘼蕪淨秋聲蟋蟀寒相思
對新月疑在異鄉看

中秋遣騎迎沈二丈北莊

遙憐滄海上獨對白鷗群客自殊方到秋
看此夜分凌風孤騎遠掃徑一鴻聞明月
湖南早君無待暮雲

中秋無月呈席上諸公

翩翩携杖至愛此河中洲不見關山月空
分天地秋魚龍潭水黑松桂石門幽瑤瑟

何人抱湘靈未易求

寂寞自松逕蒼茫任草廬高雲莽不止明
月竟何如席上頻窺酒盤中僅辨蔬天風
如可馭吾欲摘蟾蜍

秋夜同李伯章高子明徐養浩泛湖

高沙迴白鷺遠水到青天棹恐群星亂盃
驚孤月圓秋聲來薜荔夜色淨嬋娟玉笛
君能把吾將弄紫煙

黃山人夜坐

日散千峯紫煙收萬樹青高雲去莽莽孤
月寒冥冥歲序已新鴈江沙空亂螢餐霞
真愧汝徒復問黃庭

聞鴈

一枕何能得長愁至不禁魚龍殘夜笛風
雨急秋砧天入蕭森氣入兼去住心湖南
有新鴈作意送悲音

無月

可怪清秋月難看永夜輝蟾蜍高不落烏

鵲暗能飛迷徑頻呼燭驚寒驟問衣群公
未應去雲色漸霏微

客夜

歲暮青山遠天空白鴈殘孤舟凌夜發長
劍共誰看鼓角高城急星辰大地寒中宵
起遙思倉卒負漁竿

山陵陪祀二首

閭闔門重啓星辰地一隅寂寂群籟動慘
淡百靈趨劍佩當風亂松楸上月孤他年

神武氣或恐未荒蕪

石馬鳴何日金鳧起別宮關山不改色天地自相雄惆悵君臣禮淒涼歲序同
秦陵千古泪一灑翠華東

山陵道中四首

處處春雲色相逢上翠微粉榆向人發鴻鴈背天飛列騎松為蓋群峰霧作衣歲華空浩蕩難問故山薇

吾愛天門近何妨日馭斜愁還歸燕雀意

外避龍蛇不辨層崖樹難逢三月花向來胡騎入滿路散悲笳

路迷人屢問石險騎常停折柳新能綠看山近失青峰高天兀兀泉細日泠泠何處無春色吾今愛地靈

馬遲榆柳徑人指鷺鶴班諸帝留弓劍千官肅佩環風雲回紫塞日月滿青山王氣中天在朝朝護漢關

過明卿

五言律詩六
頻來春騎遠最苦夜盃傳深語江河在雄
心日月前千秋難自定萬事竟誰先豈作
巴渝客常驕白雪篇

得于鱗書二首

重來擊筑飲偏憶和歌人明月漳河夕梅
花碣石春愁難千里破情到尺書真誰不
疑斯道君當愛此身

舊侶淹漳水新詩寄漢關鳳麟千古色鶴
鷺衆人班易側乾坤日寧開案牘顏寒帷

猶有賦落日太行山

憶弟

忽是青春別難堪白日移江山一弟遠鴻
鴈尺書遲湖上又芳草淮南多桂枝池塘
尊酒夜知爾重相思

吳舍人得子

持我百年意看君一日情人間麟趾少池
上鳳毛生桂發燕山色珠來合浦明他時
弄環語應令楚妃驚

哭梁公實十首

當日梁鴻去青山弄紫煙形容疑好在消息是誰傳鵬鳥豈來舍龍蛇或值年倉皇不可問墮涕五噫篇

使者春江到傳君隔歲書開函生氣色數字慰躊躇日月孤吟失河山一病虛皇天深忌汝竟不免樵漁

徘徊南斗下歷歷少微星一夜因風墮高人遂不醒孤雲垂慘淡萬象驟沉寔莫問

西樵桂千秋空復青

羅浮不可望鎮日紫霞封爾把金光草行吟第一峰驚颺殘薜荔驟雨泣芙蓉恐逐仙人去青天跨白龍

汝去亦何速人生良已浮蒼梧一灑淚赤石萬峰愁才或雲霞妬名非劍佩收知無封禪草漢使不須求

五子中原得千秋僅一麾壯心何遽折吾道益堪悲大海東南去天風日夜吹獨留

龍劍在紫氣斗間垂

長安曾落日為爾抱瑤琴一鼓秋雲白滿
湘寒色深斯人遂不見是物可無音坐憶
龍門曲潛然淚滿襟

少別即成古相逢豈在今黃河難北注白
日似東沉天地冥鴻志文章逐鹿心悲風
吹大壑夜夜助蕭森

漢省空題柱文園早閉關生難看白髮死
豈負青山天柱浮雲色茫茫去不還肯思

黃石侶萬一到人間

浮世誰能免如君獨可哀荒榛滿天地玉
樹莽塵埃裘馬偏窮路江山不盡才更憐
擊筑者蕭索薊門臺

初夏夜同明卿元美遊張氏園亭

塵途忽到此世事頓相違月色輕隨馬松
枝亂拂衣相逢青滿眼並坐綠成圍便作
幽棲得何須問釣磯

倏爾過山雨蕭然對石欄雙衣締綵薄五

月薜蘿寒高竹翠難把新松秀可餐吳歌
况在耳真作故園看

一逕杳然入叅差絕可憐古臺荒自出石
磴曲相懸林密難窺月枝高易破天誰能
吹玉笛吾欲弄蒼煙

太虛何必問一壑坐相收橘柚山形古藤
蘿石壁幽盃疑天外把人似月中遊莫作
霓裳曲翩翩不可留

夜色亂相射幽人那可禁天流孤月白庭
落大槐陰忽起千秋思能空萬里心長吟
一汗漫纖露下衣襟

聞島夷將逼湖州寄懷子與

兵已蒼生苦書仍赤羽愁風吹遠海立潮
壓太湖流鼓角天應裂鯨鯢日不收桃花
藏戰色慎莫問漁舟

汝在登天目春來似綠林荆榛黃鉞入烽
燧白雲深百戰江山色千家隴畝心當年
一七首應或作龍吟

同余德甫吳明卿王元美再遊張園
為愛林塘好頻從駟馬來僅成三日別復
作一尊開橋憶牽衣草庭思待月梅昔心
還鹵莽此夜重徘徊

畏客雙尊在留人一榻憑浮雲去萬里明
月更嬋娟細柳風歲碧新榴夜失妍無能
永茲夕心折薜蘿前

不盡山靈僻難持幽思翻星辰莽相照鳥
雀一何喧竹葉傳金甕松花落石門危峰

一長鬚鬢第是崑崙

何處陽春調來同此夕歌地能燕市有人
得楚狂多把盞青天墜題詩紫石磨一呼
去颯颯片語即江河

零露隔金掌長天轉玉繩夜驚群象遠狂
得寸心憑高樹歌能立危巖暗可登何當
謝塵網日日白雲層

問余德甫病二首

浩蕩俱燕市蕭條自馬卿茂陵拾瑤草消

五言律詩
三
渴望金莖夕，髮裁詩短秋。雲伏枕生南樓，
今夜月故向客愁明。

獨憐青桂侶，高卧白雲樓。見爾能稱病，何
人肯倦遊。星河雙杵夕，風雨七陵秋。且莫
歌芝曲，商山不易求。

立秋夜明卿元美來集

塵心不自好，歲序莽相催。風起千門亂，秋
隨二客來。絺衣雲共白，紈扇月同開。且莫
悲搖落，吾慙作賦才。

酒至期晨，瀟風來破夕。陰星辰垂戶，小蟋
蟀語庭深。白眼千年思，青天一夜心。併隨
秋色動，四顧起蕭森。

答明卿給事

世事憑誰問，浮生得爾同。有心俱欲折，無
路不歸窮。戰伐乾坤色，安危將相功。君看
鳴玉者，楚楚日華東。

蕭然雙鬢短，莽矣百憂新。白雪孤調世，黃
金巧識人。勢應駭積羽，心或急批鱗。遂恐

風塵色難圖蘿薜身

明卿宅分得宮字

翩翩傲世者馬上落青楓把酒長安月殘
秋碣石鴻玄芝紛下蔡白羽急西戎向夜
寒起漢宮

德甫明卿元美肖甫夜過時肖甫將
有使命矣得來字

借問此何夕秋高冀北臺浮雲萬里去明
月幾時來莫惜黃金盡其如綠髮摧相送

不成醉鼓角道途哀

聞子培又下第賦此寄之

憐汝不得意上書今又回秋風江色暮愁
見菊花開抱玉時堪泣投珠夜更哀薊門
看白鴈曾否故園來

九月驟寒二首

頗恠雷仍起還驚雪乍飛陰陽曾世變順
逆揔天威白馬紛傳檄黃龍正合圍北風
休更急漢卒夜無衣

搖落一。何甚西風起。大荒黃霾吹。欲立白
鴈急分行。倚檻深看雨。懸燈數問觴。流離
滿天地。茲夜不堪長。

雪夜訪明卿病時有客因簡元美

伏枕寒仍立。傳盃深可停。雪吹天地白。山
掩薜蘿青。耳目予今病。浮沉爾昨醒。客言
能鼓瑟。或恐是湘靈。

夜色流燕樹。寒霾失薊門。子難歌白雪。爾
豈妬清尊。日月憑雙眼。乾坤阻片言。坐來

心萬里。忽欲問崑崙。

明卿宅同元美分賦得席上筍

二月破雲根。千行碧玉新。湘痕知有日。孟
泣豈茲辰。酒對殊方夕。盤留故國春。吾將
付風雨。片片作龍鱗。

賦得席上菊

一枝吾在把。不必向籬東。秋色近相媚。寒
香夜可終。酒來疑泛白。燭滅似愁紅。好為
携懷袖。玄霜下遠空。

九日

九日吾家會遙憐骨肉歡一身懷橘負群
弟把萸難蜀道向愁險楚江今更寒白雲
空在萸可得故園者

秋風

秋風吹萬里一夜過扶桑落葉碎難掃孤
鴻高自翔登樓來朔雨倚劍下胡霜聞道
榆關使飛書入建章

東臯隱居為子與尊人賦

一逕斜臨水長汀曲抱沙古來鴻鵠侶雲
上白雲家種橘開新溜尋芝數落霞武陵
溪不遠石壁有桃花

天目三千尺高樓第一峰瀑來飛萬馬石
削起雙龍白日江華細朱霞海色封行歌
秋更好散髮弄芙蓉

亦抱杞人念其如茗水幽手携青玉杖坐
老白蘋洲萬象秋如滴群峰日亂流太湖
三百頃處處不驚鷗

避世亦何甚空山一釣臺幽人瑤瑟至稚
子石門開白髮照秋水青天落夜盃近雲
常五色或恐漢麻來

得子與離家消息

使者發湖干千山搖歲寒漁樵心或負烽
燧鬢應殘青雀凌風上黃河落木看貂裘
須早御朔雪滿長安

懷李伯章

故園棲隱處何得爾為群握手先朝雨論

心到暮雲江湖雙鬢短日月兩秋分豈有
同心者令予不念君

簡陳使君

父老書頻至瘡痍嘆未醒長懷閩日白難
照楚山青野兇稍離室河魚更入鹿怨歌
滿天地不遣使君聽

同明鄉子與送別于鱗元美席上得

天字

春色何堪問開尊是別筵中原送二子北

斗散高天蘄日愁難緩吳歌泪與傳千山
分馬首那忍遂揚鞭

得元美書

使者春何往吾徒日轉孤屢書心盡折一
字眼堪枯未測皇天意其如壯士圖自知
寒色甚不敢怨明珠

既賦金山篇寄子與復系之此詩

寄尔金山賦登山莫自歌恐驚明月去其
奈白雲何夜棹鯨波急秋衣蜃氣多憑誰

慰搖落滿目是江河

同峻伯夜過助甫得鐘簫二字

以我天涯泪洒君庭下松寸心燕市筑雙
鬢薊門鐘明月還依馬浮雲欲作龍相思
如有贈慎莫問芙蓉

萬柳催吾別孤槎去國遙主恩還劍珮
春色豈蘭若白雪寧誰妬黃金任爾驕美
人從此隔忍聽廣陵簫

發京

十載侍青瑣殘春出薊門浮沉原宦計遠
近揔君恩芳草愁邊綠燕花泪共繁
心似列宿常傍太微垣

長庚純一舜隆既別憶之

一別不自意茫然空復愁孤舟仍盜賊多
病已春秋明月一江遠故人何處樓風塵
雙泪眼為我寄滄洲

渡江

秋風高不極破浪片帆輕鴻鴈衝沙起蛟

龍傍檻鳴愁人芳草早遠落日一江明十載
風波事茫然空復情

渡江得子與書

亦有華陽在誰其汗漫遊書傳天目雨客
到秣陵秋江遠芙蓉細山低蟋蟀幽此懷
吾不淺直欲醉舟立

句曲七夕大雨不得子與消息怪之
七夕憑誰問雙星柰爾何初來行暮雨早
已失天河不見停梭去寧知乞巧多盈盈

一水者人世更蹉跎

江上聞明鄉量移南康二首

復得南康信匡廬遂爾狂詩仍官長罵名
或簿書強暮雨湘潭近秋風楚塞長江流
如可返為我到潯陽

西望楚天碧茫然空暮霞寸心隔江海雙
泪滿蒹葭白鹿誰為客青山尔即家武陵
溪尚在必種桃花

燕子磯

解珮掛蘿薜翩翩凌紫氛乾坤雙眼盡南
北一江分麋鹿散秋草牛羊下夕雲瑤華
如可拾即此好遺君

荅五岳山人見寄

片雲何處至為爾獨依依寄我青山賦悲
愁采石磯九華明月在五岳幾時歸蕭索
長途客玄霜未授衣

南陵道中聞閩寇

到處蒼生泪那堪白羽驚寸心折淮海群

盜駐延平客有杞人抱誰其漢吏纓百年
雙眼在可得見休兵





